

3 Jon

Äbot tänpäni man bureni yänhäk täkaŋ ugänpän täŋkentän yämine

¹ ✧ Äbot tänpäni täŋo watä äma näkä notnapak Gaius Gäka man ŋo kudän tänpän gamitat. Man bureni bok nadäk takamak unita Gäka gäripi-inik nadätat.

² Notnapak, bänep nadäk-nadäkka täga itak udegän gup käda käyäm tänpentawä. Säkgämän kaŋ kuŋat yän nadänpän Anutu-ken yänapik täyat.

³ ✧ Notniye ätutä äbä Gäka manbiŋam ŋode näwetkuŋ; Man bureni nadäkinik tänpän buramiŋpän yäpmän kuŋat täyak yän näwetkuŋ. Ude näwerä nadänpän bänepnatä säkgämän kubä nadäŋkut.

⁴ Nadätan? Äpetnaye nanaknaye man bureni täŋo kädet iwat täkaŋ, manbiŋam u nadänpän bänep täga ärowani-inik nadäk täyat.

⁵ Notnapak, Gäk äbot tänpäni notkaye Gäkŋa-kät it täkaŋ ugänpän nämo täŋkentän yämik täyan, äbot tänpäni kudupi ätu imaka, bok täŋkentän yämik täyan. Kädet uwä tägagämän!

⁶ ✧ Äma kudupi täŋkentän yämiŋkuno unitä äbot tänpäni ŋo iŋamiken Gäkŋo iron kädet u yänhäŋkuŋ. Unitä äma uwä inken äneŋi äbä itkaŋ eruk äneŋi kunayän täŋirä bian täŋkentän yämik täŋkuno

udegän täñkentäñ yämi yäpmänkañ kunen, Anututä ini gäripi nadäk täyak ude.

7 ✧ Äma uwä Ekäni täño wäpi yäpmän kuñatnayän nadänpänä Anututa nadäkinik nämo täñpani-ken monen tuñumta nämo yäñapik täkañ.

8 Unita äma udewaniwä täñkentäñ yämiñpänä man bureni täño epän bok täñpani ude äworeneñ.

9 Näk äbot täñpani ämawebeta man ätu kudän täñpän yämiñkuro upänkañ Diotrepestä intäjukun äma ude ira yänpän nin täño man nämo nadäk täyak.

10 Unita näkä inken ärenpänä unitäño mebäri kwawak api yäñahäwet. Uwä ninta jopman yänpän nibek täyak. Täñkañ ugän nämo. Äbot täñpani notniye kome ätuken nanik ärenjirä ini nämo täñkentäñ yämiñkañ ätutä täñkentäñ yämikta udegän yäjiwät tak täyak. Ba täñkentäñ yämiñjirä in äbot täñpani nämo yän yäwetpän yäwat kirek täyak.

11 ✧ Unita notnapak tägagämän, gähä kädet waki udewani nämo iwaren. Nämoinik! Kädet tägagän iwat täyi. Äma kädet tägagän täk täkañ uwä Anutuken nanik. Täñ, äma kudän waki täk täkañ uwä Anututa nämoinik nadäk täkañ.

12 ✧ Täñpäkañ ämawebe kudup Demitriusta nadäwä säkgämän täñpäpän unitäño manbiñam yäñahäk täkañ. Ba Anutu täño man burenitä Demitrius täño täktäki imaka, yäñahäk täyak. Ba nin udegän, imaka säkgämän täk täyak unitäño manbiñam yäñahäk täkamän. Täñkañ nin jopman nämo yäk täkamän. Nämo, intä nintawä u man bureniñän yäñahäwani yän nadäk täkañ.

13 ✧ Man mäyap gäwerayän nadätat upänkañ mäyap nämo kudän tänpän gamayän.

14 Imata, näk kadäni käronji nämo itkañ gäkken ärekta nadätat unita kadäni uken ärewakañ man yänpän-nadäk kañ täda.

15 Eruk, bänepka kwikinik iton. Täñkañ notkaye näkkät ŋo itkamän nintä oretoret man gäwetkamän. Täñ, gäkä notnaye gäkkät itkañ unita udegän oretoret man kañ yäwet.

Tuma-Irumu
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

Contributor: Wycliffe Bible Translators, Inc.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-03

PDF generated using Haiola and XeLaTeX on 3 May 2025 from source files dated 3 May 2025

914cbf46-f59a-54d1-b209-0f763534edb5